

國朝耆獻類徵初編卷三百五十五目錄

忠義二十五

烏爾納

納嵩額等

新柱

和泰等

王宗龍

張進賢等

韓成璘

韓光英等

圖欽保

王三杰

師永澄等

濟勒泰

賽音察渾等

宗室明善

永德等

孫受

程錕等

李南暉

子思沆
費元澄等

邵如椿

從子曾燮

熊恩紱

赫生額

長庚等

耿世文

王宗武等

周大綸

李喬基

鄭嵩

徐慶等

楊彰

黃殿臣等

貴林

楊起麟

邱能成等

杭富

林玉得等

國朝耆獻類徵初編卷三百五十五

通奉大夫前署江西巡撫江西布政使司布政使湘陰李桓輯

忠義二十五

烏爾納 納嵩額等

烏爾納滿洲鑲藍旗人姓納喇乾隆二十年以護軍隨征伊犁二十九年授護軍校三十年隨征烏什三十四年遷委署護軍參領三十五年擢副護軍參領尋授甘肅蘭州城守營參將三十九年二月隨將軍阿桂征金川攻克沙壩山 賞戴花翎四月授廣東廣州協副將九月攻遜克爾宗四十年二月攻甲爾納寨俱受槍傷四月攻榮噶爾博賊援至擊敗之擢陝西延綏鎮總兵五月攻

克邁過爾據凱立葉議敘功加一等紀錄五次六月隨攻木思工
噶克勒吉爾博得式梯等處議敘功加三等又功加一等八月大
軍攻勒烏圍烏爾納奪轉經樓及各寨木城九月大軍攻西里烏
爾納督兵造甲爾日磔浮橋賊至擊敗之力戰至科布曲克賊卡
一閏十月領前隊兵渡科布曲河攻克大礮一十二月克科布曲
第四礮四十一年正月隨大軍由格隆古進攻噶喇依三等侍衛
納嵩額章京雅庫陣亡二月攻克噶喇依喇嘛寺火起延燒至火
藥房烏爾納救之死焉 諭曰烏爾納自赴軍營凡遇打仗無不
努力奮勇並受傷數處今大功告成乃因火藥轟起石塊中傷身
死甚爲可憫著加恩交部照受傷身故例議卹 命圖形紫光閣

御製贊曰平生若懦戰則倍勇雖屢受傷進不旋踵功成事定賊
寨火延歿於弗值實可嗟焉 賜祭葬廕都司子三雲保襲納嵩
額雅庫俱廕雲騎尉納嵩額子多倫保襲滿洲鑲黃旗人姓托科
羅雅庫索倫正白旗人姓鈕祜祿襲無考

右 國史館本傳

新柱 和泰等

新柱滿洲鑲白旗人姓烏佳由親軍校授甘肅涼州鎮標守備洊
擢河州協副將乾隆四十六年三月撒拉爾逆回蘇四十三因爭
立新教起事新柱往剿至白莊遇賊陣亡事 聞 詔加贈二級
陰守備子海甯阿襲賊犯蘭州世襲佐領陝甘督標左營參將和
泰登城射賊中鳥槍死同死者蘭州城守營中軍守備善德河州
鎮奇台堡守備袁尙仁大學士公阿桂尙書和珅先後奉 詔赴
甘肅軍營督剿四月十七日和珅先至軍營賊踞八蜡廟水磨溝
掘壕死拒十九日陝西固原鎮總兵圖欽保率兵越水磨溝進偪
賊巢賊從山坡逆撲延綏鎮標遊擊愛星阿從圖欽保奮力斫賊

圖欽保馬蹶墜山下被傷卒愛星阿戰死圖欽保詳大臣傳六月
賊退守華林寺阿桂督官兵大破之首逆就戮戰死者靖遠協下
馬關把總盧文璧議卹和泰加 贈二級廕守備弟五泰襲其佐
領世職子佛見額襲善德廕千總子扎蘭泰襲愛星阿廕守備孫
五十四襲尙仁文璧俱廕把總襲無考和泰滿洲鑲紅旗人姓覺
羅禪善德滿洲正紅旗人姓庫雅拉愛星阿滿洲正黃旗人姓錫
克特里尙仁文璧俱正白旗漢軍

右 國史館本傳

王宗龍 張進賢等

王宗龍陝西長安人由行伍隨征金川累功授陝甘督標前營千總海擢甘肅涼州鎮前營都司四十六年三月河州撒拉爾番營蘇四十三叛宗龍與同營都司張進賢隨涼州鎮總兵德甯往勦時河州右營守備李奇把總朱廷奇外委李九章徐烈率兵守河州城陷死之賊進犯蘭州宗龍力戰金城關陣亡六月賊踞華林寺大軍攻之首逆就戮餘匪竄卡內死拒進賢戰歿同死者肅州鎮標中營千總蔡珏是役先後陣亡者甘肅西甯鎮前營千總署守備徐登彥肅州鎮丹山營千總陳禮四川慶甯營千總楊茂湖南綏靖營千總徐英甘肅提標右營把總朱光祿涼州鎮標後營

把總許誥甯夏鎮標前營把總邵敏涼州鎮標右營把總趙良楷
大通協把總楊國仕平羅營把總杜縝西甯鎮把總郭啟伏四川
懋功營把總張大邦甘肅提標右營外委馮雲左營外委馬士望
涼州鎮羌營外委王吉善張士俊河州鎮循化營外委劉漢奇台
堡外委陳伏得提標額外外委□榮□天昌楊天得永安營外委
邵殿元李喜得河州鎮中營外委馬瑞督標中營效力武舉李得
花馬池額外外委魏龍四川懋功營外委路公舉先後事 聞議
卹 詔宗龍進賢各加一級廕千總奇珏登彥禮茂英光祿誥敏
良楷國仕縝啟伏大邦各加一級廕把總餘卹如例進賢甘肅固
原人奇甘肅永昌人廷奇甘肅文縣人九章陝西富平人烈甘肅

河州人珏甘肅皋蘭人登彥甘肅西甯人禮甘肅張掖人茂四川
華陽人英四川成都人光祿甘肅張掖人誥甘肅永昌人敏甘肅
甯朔人良楷甘肅武威人國仕甘肅高臺人綆甘肅甯夏人啟伏
籍無考大翔四川巴州人雲甘肅張掖人士望甘肅皋蘭人吉善
甘肅武威人士俊甘肅平番人漢奇甘肅河州人伏得甘肅大通人
榮天昌俱甘肅張掖人天得甘肅河州人殿元甘肅大通人喜得
甘肅西甯人瑞甘肅河州人得甘肅皋蘭人龍甘肅靈州人公舉
四川人

右 國史館本傳

韓成璘 韓光英等

韓成璘甘肅河州人先世韓完卜當明季由降番累功授世襲三品土指揮使國初來歸成璘於乾隆三十一年襲世職四十六年撒拉爾逆回蘇四十三倡新教糾眾滋事三月圍蘭州成璘從官軍勦賊陣亡四月賊據水磨溝空銜土千總韓光英戰死六月大學士公阿桂都統海蘭察等統大軍破賊於華林寺首逆伏誅陣亡者空銜土把總阿蔥餘賊死守華林寺七月海蘭察率師圍之盡殲匪黨土外委郎卡太歿於陣是役先後陣亡者都司銜土千總朋坤空銜土把總福星土外委舍拉山扎四十九年鹽茶廳逆回田五句結固原回匪李化玉等謀復新教陷通渭縣阿桂復

奉 命督師賊分據石峯堡底店鎮六月大軍攻克底店山梁陣
亡者土把總落如保七月勦平石峯堡陣亡者土千總俄什丹日
先後事 聞議卹成璘加銜一等弟成璋襲土指揮使光英阿蔥
福星各照八品官給卹郎卡太照土千總例議卹坤朋落如保俄
什丹日各加銜一等餘卹如例光英甘肅循化廳人阿蔥四川人
坤朋小金川人福星四川人郎卡太四川雜谷廳人舍拉小金川
人山扎四川人落如保俄什丹日俱四川雜谷廳人

右 國史館本傳

圖欽保

圖欽保滿洲鑲黃旗人姓瓜勒佳氏由前鋒授前鋒校乾隆三十二年隨將軍明瑞征緬甸屢著功績 賞戴孔雀翎三十三年大兵勦蠻結賊匪大捷圖欽保在事有功授三等侍衛 賜法福禮巴圖魯號三十五年遷健銳營副前鋒參領三十七年二月隨將軍阿桂征金川十一月大軍造皮船乘夜渡河分三隊襲烏達西山礮卡圖欽保同總兵王萬邦由東面進攻木城石礮同時克獲捷 聞得 旨嘉獎授額外參領復與侍衛三寶等合兵至邦甲山梁緣溝登山勦賊克石城大礮及各石卡乘勝下夾攻賊潰竄十二月抵納圖納扎木副將軍明亮等分兵三路圖欽保與遊擊

國朝典章卷之三十三
谷生炎等合攻山坡碉卡克之時賊方悉力拒守石城圖欽保復偕侍衛德赫布千總劉世勳等三面合圍壘石卡偪之賊棄城夜遁大兵至僧格宗圖欽保由河西科多渡橋攻河東賊掘山路官兵奮勇進至喀咱木籠山梁抵奢壘賊潰奔美諾三十九年圖欽保同參領拉布棟阿率兵五百取馬柰克之敘功擢湖南長沙協副將四十年大兵抵薩克薩谷其北曰茹寨麥方熟賊設戰礮抵死衛護圖欽保領兵由薩克薩谷力攻克之焚沿河各寨賊竄出前後受圍中箭被槍及墜河斃者無算茹寨麥田十餘里皆爲我兵所據事 聞 諭曰圖欽保攻剿茹寨尤爲出力著交將軍等記名遇有軍營總兵缺出奏請補授七月大兵分二路攻石真噶

山下木城圖欽保由左路繞過木城燬山下賊寨賊駭竄閏十月
攻克扎烏古山梁圖欽保在事有功得 旨功加一等十二月擢
陝西固原總兵四十一年凱旋 命圖形紫光閣 御製贊曰承
平日久敢恃內安永憶文子厥有名言嘉我諸臣遇兵則奮竭力
敵愾世承家訓四十六年三月撒拉爾逆回滋事圖欽保率兵五
百援勦圖欽保偕總兵德甯等迎擊手殲賊四復與總督勒爾錦
提督仁和等守城時大兵雲集賊退踞八蜡廟水磨溝一帶掘坎
濠以死拒之四月圖欽保同都統海蘭察率兵越水磨溝由山梁
進逼賊巢而逆回等從山坡撲上圖欽保持刀奮力斫賊眾馬蹶
墜山下被傷卒大學士公阿桂尙書和珅奏 聞請卹 諭曰圖